

ՀՐԱԶԻԿ ՍԻՄՈՆՅԱՆ. Ազատագրական պայքարի ուղիներում. չորս գրքով. գիրք I, II, Երևան. «Հայագիտակ» հրատ., 2003, 1574 էջ:

ՀՀ ԳԱԱ իսկական անդամ Հր. Սիմոնյանի բեղուն գրիչն ընթերցողի սեղանին է դրել չքեղ կազմով և հարուստ բովանդակությամբ մի մենագրություն՝ «Ազատագրական պայքարի ուղիներում» վերտառությամբ: Աշխատությունը բաղկացած է չորս գրքից, որում ներկայացված է Հայ ազատագրական շարժման վերջին էտապի՝ 1905–1914 թթ. պատմությունը: Սույն գրախոսականում քննության են առնվում առաջին երկու գրքերը, որոնք ժամանակագրական առումով ընդգրկում են ռուսական առաջին հեղափոխության տարիները՝ 1905–1907 թթ.:

Ինքնին հասկանալի է, թե ավելի քան 1500 էջ կազմող երկհատորյակում, որքան համակողմանի են քննության առնված ընդամենը երկուսուկես տարիների ընթացքում Հայաստանում տեղի ունեցած կարևոր իրադարձությունները: Այսինքն հեղինակն իր առջև դրված խնդիրները քննել ու վերլուծել է ոչ այնքան լայնությամբ, որքան խորությամբ:

Առաջին անգամ Հայ պատմագրության մեջ Հայաստանն իր երեք հատվածներով (արևելահայ, արևմտահայ և նույնիսկ պարսկահայ) դիտարկվել է մեկ ամբողջության մեջ: Բացահայտված են այդ երեք հատվածներից յուրաքանչյուրում Հայ ազատագրական շարժման բնույթն ու յուրահատկությունները: Հեղինակն իրավայրեր են Հայ ժողովրդի ազատագրական պայքարը, ըստ նրա ապրած հատվածների, զատորոշել է երեք ուղղությունների, որովհետև դարասկզբին դրանցից յուրաքանչյուրի առջև կանգնած էին կոնկրետ խնդիրներ. և բնականաբար յուրաքանչյուր հատված հանդես էր բերում տարբեր ռազմավարություն ու մարտավարություն: Եթե արևմտահայության համար գերակա խնդիրը Հայրենիքի և ժողովրդի քաղաքական ազատագրությունն էր օսմանյան բիրտ լծից,

ապա ռուսահայ-կովկասահայության համար այդ ժամանակ առաջին պլանում էր կանգնած սոցիալական ազատագրության խնդիրը, որին ածանցվում էր ազգային հարցի լուծումը: Իսկ ինչ վերաբերում էր համեմատաբար փոքրաթիվ պարսկահայ հատվածին, ապա, հանձին 1905–1911 թթ. իրանական հեղափոխության, պարսկահայությունն ակտիվորեն ներգրավվեց ավատակետական Իրանի սոցիալ-քաղաքական նորացման համար մղվող պայքարում:

Աշխատության մեջ փաստորեն տրվում է խնդրո առարկա ժամանակաշրջանում Հայ ազատագրական պայքարի տարեգրությունը: Ավելին, Հայոց պատմության այդ ժամանակաշրջանի ամենահրատապ հիմնահարցերը քննված են համառուսական ու համալիարհային պատմության ընդհանուր ֆոնի վրա:

Նախ հեղինակի ուշադրության կենտրոնում է ռուսահայ իրականությունը, որտեղ դարասկզբին Հայ ժողովրդին պատուհասած երկու իրադարձությունների Հայ եկեղեցու կալվածքների ու գույքի բռնագրավման, ինչպես նաև 1905 թ. փետրվարից սկսված թուրք-հայկական ընդհարումների հետևանքով իրավիճակը ծայրաստիճան լարվել էր: Հայ եկեղեցու կալվածքների ու գույքի բռնագրավման, թուրք-հայկական ընդհարումների սադրման դորձողությունների, թուրքերին հովանավորելու, Հայ ազատագրական շարժման նկատմամբ թշնամանքի ու հայահալած քաղաքականության մյուս դրսևորումների համար մենագրության հեղինակն անխնա քննադատության է ենթարկում ցարական կառավարությանը և տեղական իշխանություններին (սատրապներին): Սակայն քննադատել ցարիզմը ամենևին էլ չի նշանակում ցուցաբերել հակառուսականություն, ինչպես որ նախկինում հաճախ պարզունակորեն պատկերացնում էին շատերը:

Անդրկովկասի օրինակով բացահայտված է ուսսական ինքնակալության դասակարգային էությունը: Պրոֆ. Հր. Սիմոնյանը պայման է սալիս, որ ինքնակալական համակարգին սոցիալ-դասակարգային առումով վստահելի լինելու տեսակետից Անդրկովկասի երեք հիմնական ազգերից ամենաանպատասխանատու էին Հայտնվել Հայերը, որոնք, ի տարբերություն վրացիների ու կովկասյան թուրքերի, ըստ էության, չեն ունեցել ազնվականական դաս: Ավելին, ցարական իշխանավորների և նրանց գրչակների կողմից Հայերը դիտվում էին որպես հեղափոխականներ ու անջատականներ: Սրանք էին սոցիալ-դասակարգային գրգռվածությունները, որոնք հիմք էին սալիս ուսսական իշխանություններին թուրք-հայկական ընդհարումների ժամանակ պաշտպանելու թուրքերին: Մյուս կողմից ցարիզմը, ազգամիջյան ընդհարումներ հրահրելով, նպատակ էր հետապնդում տարբեր ազգության աշխատավորների ու շահարկողները շեղել համառուսական սոցիալ-քաղաքական պայքարից և դրանով իսկ խոչընդոտել հասցնել հեղափոխական պայքարին նույնպես:

Անկասկած, 1905–1906 թթ. արևելահայ կյանքի նշանակալի իրադարձությունները թուրք-հայկական ընդհարումներն էին: Բավական է միայն ծանոթանալ թուրք-հայկական ընդհարումների նախապատմությանը (ակունքներին) և բուն ընթացքին տեսնելու համար, թե որքան խորն ու համակողմանի է ներկայացված այս կնճիտը, որը, ի դեպ, չի կորցրել իր արդիականությունը նաև մեր ժամանակներում: Այդ արյունալի ընդհարումները նկարագրված են ամենայն մանրամասնությամբ՝ գյուղ առ գյուղ, դրվագ առ դրվագ, անուն առ անուն: Երբ կարդում ես ցարիզմի սազրանքով Բաքվի և այլ վայրերի հայկական կոտորածների մասին՝ ծանր զգացում ես սպրում: Իսկ ծանոթանալով այն ժամանակվա թուրք մոլորած խուժանի կատարած չարագործությունների (կոտորած, թալան, հրգեհ) նկարագրությանը, մեկ անգամ ևս համոզվում ես, որ այն իր կատարման ձևերով (ձեռագրով) Հայոց չէր տարբերվում մեր ժամանակների սուլթանիության սուրբործություն-

ների: Բայց և չի մոռացվում նաև երևույթի մյուս կողմը՝ առանձին թուրքերի ցուցաբերած գթասրտության, հայերին պատսպարելու մասին վստահելի իրենց կյանքը:

Հեղինակի տեսադաշտից դուրս չեն մնացել նաև թուրք-հայկական ընդհարումների «Կովկասյան Վանդեայի» փուլում ուսսական պատժիչ արշավախմբերի (ուսս զինվորների ու կազակների) կատարած բռնությունները հայկական գյուղերում՝ մասնավորապես Արցախի Վարանդայի մեկեկես տասնյակ գյուղերի նկատմամբ՝ էկզեկուցիաներ, տուգանքներ, ծեծ, սպանություններ, զանգվածային բռնաբարություններ կանանց, դեռահաս աղջիկների ու նույնիսկ պառավների նկատմամբ (տե՛ս գիրք I, էջ 665–671): Հայ «խուժարարներին» պատժելու համար զորքն ու կազակները մուտք էին գործում գյուղերը և կատարում զարհուրելի գործողություններ: Ցարական բյուրոկրատիայի կատարած անօրինականություններն եղել են այնքան ազդակող ու դատապարտելի, որ առաջին Պետական դրամայում հարցապնդում արած Հայ պատգամավորներին միացել էին Կովկասի մուսուլման պատգամավորները (գիրք I, էջ 725):

Ժամանակաշրջանի հասարակական մտքի գնահատումների լայն հենքի վրա հեղինակը համակողմանիորեն բացահայտել է թուրք-հայկական ընդհարումների պատճառները և արդյունքները: Հր. Սիմոնյանի պատկերմամբ այն ոչ այնքան տեսնական կամ սոցիալական էր, որքան ազգային-ցեղային, քաղաքական ու քաղաքակրթական (գիրք II, էջ 65–92):

Հատկանշական է, որ արյունահեղ ընդհարումների ժամանակ Հայ ժողովրդին պատուհասած վտանգի առաջ Հայ քաղաքական կուսակցությունները և լայն հասարակաչերտերը մի կողմ դնելով միջկուսակցական վեճերն ու հակասությունները (հնչակյան, դաշնակցական, էսէռ, սպեցիֆիկ)՝ «բոլորն էլ կողք կողքի կուվում էին ընդհանուր թշնամու դեմ» (գիրք I, էջ 483): Բայց առանձնապես ամենածանրակշիռ գերակատարությունն ունեցավ ՀՅԴ-ն: Աշխատությունների մեջ ըստ արժանիության է գնահատված ՀՅԴ՝ վճռորոշ դերը թաթար ելուզակ

ղոջինների բանդաներին հակահարված տալու գործում (գիրք I, էջ 104–105): Անգամ ՀՅԴ ավանդական հակառակորդ «Մշակը» ընդհարումների այդ ծանր օրերին գրում էր. «Եվ դեռ գտնվում են մարդիկ, որոնք հանդգնում են անվանարկել կամ արհամարհել դաշնակցության ուժը և բարոյական ազդեցությունը: Հայ ժողովրդի համար ներկա օրերում չկա ուրիշ պաշտպանութուն: Նա հանգիստ է, երբ կա դաշնակցութունը: Նա հավատում է այդ վստահելի ուժին» (գիրք I, էջ 507):

Աշխատության մեջ արվում են ընդհանրացումներ այն մասին, որ հայերի գլխավորական պայքարը և արժանի հակահարվածը թուրք խուժանին մի կողմից փրկից արևելահայ խառը բնակչության շրջանները վերահաս բնաջնջումից, իսկ մյուս կողմից, հայրենիների օրինակով, ժողովրդի մեջ ներարկվեց ազգային դիտակցության վերելք, մարտական ողի, կռվելու ունակություն և ինքնապաշտպանվելու կարողություն:

Հեղինակը տալիս է ժողովրդական վրեժառության (անհատական տեռորի) գլխավորական բնութագրերը, այն միանգամայն տարբերակելով մեր ժամանակներում մարդկայինը սլավոնացուց նոր աղետից՝ «միջազգային ահաբեկչությունից»: «Վրեժառության ակտերը, – գրում է Հր. Միմոնյանը, – որոնք գործարկվում են դառնություն ապրող ժողովրդի զավակների կողմից, չի կարելի շփոթել և հաճախ գլխավորաբար նույնացնել «միջազգային ահաբեկչության» գործողություններին» (գիրք I, էջ 246): Այն ժամանակ հայ ազգային-քաղաքական կուսակցությունների կազմակերպում ահաբեկչական առանձին գործողություններն ուղղված էին կոնկրետ մարդկանց թուրք, քուրդ, սուս իշխանավոր բռնադատիչների հակահայ ոճրատառ գործողությունների դեմ: Դրանք հարկադրական քայլեր էին և միանգամայն արգարացված: Հեղինակն ըստ արժանվույն է գնահատել Հայ ազգային հեղափոխական կուսակցությունների իրազացած դեկալար ու կազմակերպիչ դերը թուրք-հայկական ընդհարումների ահեղ օրերին, բայց նրա ուղարկությունն չէն վրիպել կուսակցական, հատկապես շահերի թելադրանքով

նրանց միջև տեղի ունեցող եղբայրասպան ամոթալի դեպքերը (գիրք I, էջ 660–665):

Հեղինակի տեսադաշտից դուրս չի մնացել նաև հայ-վրացական հարաբերությունների խնդիրը, որը նույնպես դաշնով բարդանալու միտումներ ունեն: Գրքում բացահայտված են դրա սրման տնտեսական, վարչաժողովրդագրական և անգամ սոցիալ-հոգեբանական գործոնները: Ինչպես է մատնանշել, որ ուստական տիրապետության վերջին հիսուն տարում Թիֆլիսի 11 քաղաքագլուխներից 9-ը եղել են հայեր և միայն երկուսը՝ վրացի: Ցույց է արված, որ հայ-վրացական անթաքույց հակասություններ են գրեթե ամբողջով կողմնակալ (ֆեդերացիայի), Անդրկովկասում տեղական ինքնակառավարում (գեմետով) մտցնելու և անգամ կողմնակալ բուհ (սոցիալիստիկում) հիմնելու խնդիրներում (գիրք I, էջ 533–535):

Ինչպես արդեն ասվեց, հակասություններն առավել ցցուն էին գրեթե ամբողջով հայադրեջանական հարաբերություններում: Կարելի է արձանագրել, որ XX դարասկզբի այդ մի քանի տարվա փաստական հարուստ նյութը շատ հեշտաթյամբ ընթերցողին բերում է այն հաստատ համոզման, թե որքան նման է անդրկովկասյան երեք ժողովուրդների բարդ ու հակասական փոխհարաբերությունների վիճակը մեր ժամանակների հետ: Իրոք, ժամանակները տարբեր են, սակայն խնդիրները, շահերը մնացել են նույնը:

Արևելահայ ու համակովկասյան խնդիրները քննված են ամենալայն ու խորը համայնադասակերպ վրա: Հեղինակը իբրև ֆոն, ըստ էության, ներկայացնում է նաև Ռուսաստանի պատմությունը: Մինչև որս որքան էլ որ գրվի է ուստական առաջին հեղափոխության մասին, այդուհանդերձ, ուստամասիրության մեջ բացահայտվում են նրա պատմության բազմազան ու մուլթի ծաղիկներ, որոնք մինչև որս անհայտ կամ քիչ էին ծանոթ ընթերցողին: Թեև մենագրությունն ընդգրկում է մի կարճատև 1905–1907 թթ. ժամանակաշրջան, սակայն քննարկվող երևույթների ծագման ակունքները բացահայտելու նպատակով հեղինակը հաճախ անհրաժեշտաբար պատմական էրս-

կուրս է կատարում ավելի հետ՝ դեպի XIX դ. ու ավելի վաղ ժամանակաշրջան:

Ընթերցողի համար նորույթ է համարվում այն փաստը, որ դեռ ուուս-ճապոնական սրատերազմի փուլում (1904–1905 թթ.) Կ. Պոլսի բաղաքացիները սուլթան Աբդուլ Համիդի հովանավորությամբ, առաջնորդվելով համախառնակառնության ու համաթուրքիզմի դադափարներով և օգտվելով Ռուսաստանի ռազմաքաղաքական ծանր կացությունից, գաղտնի սլաններ էին մշակում՝ ներխուժելու Կովկաս, ոտքի հանելու սեզի 5–6 միլիոնի հասնող մուսուլմանների ու գյուղատնտեսական անջատելու Կովկասը Ռուսաստանից (գիրք I, էջ 353): Եվ միայն 1905 թ. հունիսին Պորտսմուտի հաշտությունը կանխեց նվաճողական այդ ծրագրի գործարկումը, մի ծրագիր, որը հետագայում գործողության մեջ դրեցին Կարմիր սուլթանի գործի շարունակողները երկաթուղիները:

Կրթում լուսարանված են մինչ այժմ հայ պատմագրության մեջ անբավարար ուսումնասիրված «Կովկասահայրենական առաջին համագումարի» (գիրք I, էջ 178–180), «Ռուսաստանի ընդդիմադիր կուսակցությունների խորհրդակցություն» (գիրք I, էջ 180–183) և այլ պատմական եղելությունների մասին նյութերը: Ընթերցողը կգտնի համակողմանի ու սպառիչ պատասխան XX դարասկզբի հայ եկեղեցու վիճակի, 1906 թ. ուսահայ եկեղեցու դործերը կարգավորող էջմիածնի կենտրոնական պատգամավորական ժողովի մանրամասների մասին, մի համաժողով, որին մինչ օրս պատմագրության գրականության մեջ արվել էին իրար հակասող գնահատականներ (գիրք I, էջ 728–736):

Աշխատության մեջ առանձին էջեր են նվիրված մինչ օրս պատմականակցական գրականության մեջ գրեթե անտեսված «Հայ զեմեղրատական կուսակցությանը» (գիրք II, էջ 95–98): Իբրև նորույթ ուզում ենք փաստել նաև, որ մարքսիզմ-լենինիզմի նախկին խորագրիտակ մասնագետ սրբֆ. Ջր. Սիմոնյանը մի շարք հիմնավոր փաստարկումներով համոզմունք է հայտնում, որ խորհրդային պատմականակցական գրականության մեջ կովկասահայ պրոլե-

տարիատի «Իբրև ամենագիտակից տարր»-ի մասին տրված հայտնի բարձր գնահատականը պատկանում է ոչ թե Վ. Վորովսկուն, այլ հենց Վ. Ի. Լենինին (գիրք I, էջ 388–389):

Հարկ է նշել, որ նույնպիսի խորագրին դիտողականությամբ են հետազոտված նաև արևմտահայ իրականությունը և արևմտահայ ազատամարտի վերջին դրվագները: Հեղինակի փոխանցմամբ՝ արևմտահայ ազգային-ազատագրական սլաքաբլր առատ սնունդ էր ստանում կովկասահայրենից թե՛ մարդկային ռեսուրսներով, թե՛ նյութական և թե՛ հոգևոր իմաստով (գիրք I, էջ 595–596): Ներկայացված են հայ առանձին գործիչների մասին մինչ օրս շատերին անհայտ հետաքրքիր մանրամասներ:

Գրախոսվող աշխատանքն այնքան հարուստ է բազմազան նյութերով, որ այն միաժամանակ կարող է վաստաթղթերի և նյութերի յուրօրինակ սեղեկատու ժողովածուի դեր կատարել: Հեղինակը չի բավարարվել դրանով, նա ավելի հաճախակի տալիս է օգտագործված փաստաթղթերի, նյութերի ու առանձին աշխատությունների խորը գիտական վերլուծություններ ու գնահատականներ: Այս իմաստով բավական է միայն ծանոթանալ ՀՅԴ «Կովկասյան նախագծին» կամ Ա. Ամիրյանի հայտնի գրքուկների մասին վերլուծություններին: Մենք կարծում ենք, որ մինչև օրս ոչ ոք ավելի խորը և համապարփակ ձևով չի ներկայացրել երիտզանակցական-անջատական և միհրանական շարժումները, ինչպես այս գրքում է (գիրք II, էջ 201–238): Յուրօրինակ տեղեկատուի դեր կարող են կատարել Անդրանիկի, Ն. Դումանի և մյուսների կողմանց ուղղմանագրության (մարտական) հրահանգները, որոնց վերաբերյալ ևս տրված են համակողմանի մեկնաբանություններ ու վերլուծականներ (գիրք II, էջ 472–489): Այլ խոսքով՝ աշխատությունը հսկայական նյութ է մատակարարում հայ ժողովրդի պատմության այդ ժամանակաշրջանի վերաբերյալ:

Պետք է նկատել, որ պատմական նյութը շարագրված է ոչ թե չոր ու ցամաք թվերով ու փաստերով, այլ, որ ընթերցողի համար

ավելի հետաքրքիր ու գրավիչ է ճոխ ու հարուստ լեզվով, տեղ-տեղ նույնիսկ գեղարվեստական սլաոկերներով: Ավելին, չըջանառության մեջ են գրված վաղուց մոռացության մատնված կամ նոր բառեր «գիտապաստ», «արհավրալ», «դավանագիր» և այլն:

Աշխատության ուշագրավ բաժիններից է ուսական առաջին հեղափոխության տարիներին հայ ազգային կուսակցությունների ներսում առաջ եկած գաղափարական բուռն արեկոծումների ու կազմակերպական խառնաշփոթի վերաբերյալ հեղինակի անդրադարձը: Համառուսաստանյան հեղափոխության լայն համայնապատկերի վրա քննության են առնված կուսակցությունների ծրագրերը, ներկուսակցական «աջից» և «ձախից» պուռակառուցումները, միջկուսակցական պայքարը և այլն:

Ինչպես արդեն ասվեց, հայ ազգային կուսակցություններից հեղինակը շատ բարձր է գնահատում ՀՅԴ ղեկավար ու կազմակերպիչ դերը հայկական միջավայրում: Տալով ՀՅԴ հիմնադիր, հայ ժողովրդի մեծ գավակներից մեկի՝ Քր. Միքայելյանի քաղաքական դիմանկարը հեղինակը գրում է. «Տեսական պատրաստվածություն, կազմակերպչական ասղանդով, բարոյական մաքրություն, ու հմայքով դաշնակցության հոգևոր առաջնորդ Քրիստափորը բացառիկ տեղ է բռնում հայ ժողովրդի ազատագրական շարժման պատմության մեջ» (գիրք I, էջ 571): Առանձին բաժիններում պրոֆ. Հր. Սիմոնյանը ներկայանում է որպես ՀՅԴ խորագիտակ պատմագիր՝ առանձին դրվագներում գերազանցելով նույնիսկ Մ. Վարանդյանին ու Հր. Տասնապետյանին: Մասնավորապես, բազմահարուստ նյութերի հիման վրա, համակողմանիորեն լուսաբանված է ՀՅԴ համար անկյունաքարային նշանակություն ունեցող 4-րդ ընդհանուր ժողովը, մի համաժողով, որը եկավ հաղթահարելու ներկուսակցական ճգնաժամը, ընդունելու նոր ծրագիր ու կանոնադրություն և մշակելու նոր մարտավարություն (գիրք II, էջ 510-619):

ՀՅԴ ղեղն այնքան բարձր է գնահատված, որ պատմությանը ոչ լավ իրազեկ ընթացողի մոտ կարող է ապավորություն

ստեղծվել, որ նրա դերը գերազանհատված է: Բայց, մեր կարծիքով, գրքում ներկայացված է պատմական ճշմարտությունը:

Այս ամենի կողքին հեղինակն ըստ արժանվույն է գնահատել ՌՄԴԿ ու հատկապես նրա հեղափոխական թևի՝ բոլշևիկների խաղացած նշանակալի գերը ուսական հեղափոխության ժամանակ (գիրք I, էջ 536-539): Ամենևին կողմնակալություն թույլ չտալով և տուրք չտալով ժամանակակից քաղաքական կոնյունկտուրային ակադ. Հր. Սիմոնյանը բարձր գնահատական է տալիս բոլշևիկների գործունեությանը թե՛ Ռուսաստանի և թե՛ Հայաստանի հեղափոխական շարժման պատմության մեջ (գիրք II, էջ 284-321):

Հետագա շարադրանքում հեղինակն երկխոսության մեկով քաղաքական մի յուրօրինակ բանավեճ է բացում հայ սոցիալ-դեմոկրատների և ազգային-հեղափոխական կուսակցությունների միջև՝ տաճկահայոց ազատագրության ուղիների խնդրում (գիրք II, էջ 358-384): Բերվում են երկու կողմերի փաստարկները, գաղափարաքաղաքական սկզբունքային տարբերությունները, թեր և դեմ կողմերը: Հեղինակն այդ երկու քաղաքական թևերի միջև գատորշում է իրարից խիստ տարբեր երկու մոտեցում. մեկը (ազգային-հեղափոխական) անսուհման վտանգներով ու աղնիվ հայրենասիրական մղումներով լի կենդանի գործը իր ծանր հետևանքներով, իսկ մյուսը (սոց.-դեմ.) սառը դատողության, արևմտահայերին ընդամենը բարոյապես աջակցելու, համակրանք արտահայտելու, թուրքահայաստանի ազատագրության գործը համառուսական հեղափոխության հաղթանակի հետ կապելու խոսքը՝ իր անվտանգ ուղիներով: Արժևորելով այս երկու մոտեցումները հեղինակը մեր ժամանակների յարձույնքից հանգում է հետևյալ եզրահանգման. «Հայոց շարժումն իր վերջնական արդյունքով ամենաողբերգականը եղավ ժողովուրդների ազգային ազատագրական շարժումների պատմության մեջ: Պատմությունն ապացուցեց, որ հայ սոցիալ-դեմոկրատները ոչ պակաս հայրենասերներ և ազգասերներ էին, միայն թե նրանք ամեն ինչ անում էին իրենց մայր ժողովրդին դեպի

ազդային ազատագրության տանել որքան հնարավոր է անվտանգ ճանապարհներով» (գիրք II, էջ 384):

Գիտական, աղբյուրագիտական բարձր նշանոցը պահելով հանդերձ՝ հարկ է նկատել, որ սույն աշխատությունը գրված է Հայրենասիրական մեծ ներշնչանքով, նման ոգով նոր սերունդ դաստիարակելու առաքելությունը ե Հայ ժողովրդի ճակատագրի Համար անհուն մտահոգությունը:

Այս ամենով հանդերձ աշխատությունը դեր չէ նաև մասնակի թերություններից: 1. Մեր կարծիքով դժվար է Համաձայնել այն եզրահանգմանը, թե ՀԹԴ 4-րդ ընդհանուր ժողովը կարողացավ նոր ուժ ներարկել կուսակցությանը՝ «դիմագրավելու Համար այն մեծ փորձություններին, որոնք սպասվում էին նրան և ողջ Հայ ժողովրդին» (գիրք II, էջ 619): Ցավոք, Դաշնակցությունը կուսակցությունը ևս անգործելի ցույց տվեց Հայ ժողովրդին սպառնալու մեծագույն վտանգությանը՝ Հայոց մեծ եղևունին:

2. Ամենայն մանրամասնությամբ խոսելով թուրք-հայկական ընդհարումների ժամանակ հայդուկների ինքնապաշտպանական դործողությունների մասին, սակայն գրեթե ոչինչ չի ասվում և ոչ մի դրվագ չի պատմվում «Ասկերանի հերոսի»՝ Համազասպի մասին:

3. Երբեմն գրքում հանդիպում ենք խիստ որակումների հայ հոգևորականու-

թյան «Ստորաքարչ Հայ հոգևորականներ» (գիրք I, էջ 15) կամ ցարիզմի հասցեին՝ «բարբարոս» կառավարություն» (գիրք I, էջ 504), «ոճրագործ բռնակալություն» (գիրք II, էջ 6) և այլն:

4. Եփրեմ Դավթյանը, Արշակ Զամալյանը ներկայացված են որպես ղարաբաղցիներ (գիրք I, էջ 597), բայց նրանք ծնունդով գանձակեցիներ էին: Բացի այդ, գրքում տեղ են գտել մի շարք փաստական ու սուպագրական վրիպակներ (տես գիրք II, էջ 121, 638, 651 և այլն): Սակայն վերը նշված մասնակի թերություններն ամենևին չեն նսեմացնում մենագրության բարձր արժանիքները:

Այսպիսով, կարծում ենք, որ ակադեմիկոս Հր. Միմոնյանի «Ազատագրական պայքարի ուղիներում» ուսումնասիրությունը հրատարակ գալով, այնպիսի թաղմ և խորը հետք կթողնի Հայ պատմագրության մեջ, որ այսուհետ դժվար կլինի պատկերացնել XX դ. սկզբների պատմությամբ զբաղվող որևէ ուսումնասիրողի, որը այսպես թե այնպես չհանդերձառնա կամ չօգտվի սույն հիմնարար աշխատությունից:

Ինչպես արդեն ասվեց, գրախոսվող մենագրությունն ունի շարունակություն: Ուսումնասիրությունն առավել կամրոջանա և կստանա իր հանգուցալուծումը, երբ լույս կտեսնեն հաջորդ 3-րդ և 4-րդ գրքերը:

ՀԱՄԼԵՏ ՀԱՐՈՒԹՅՈՒՆՅԱՆ
ԱՐԱՐԱՏ ՀԱԿՈՒԹՅԱՆ